

近代中國史料叢刊三編  
第八十輯

安福禍國記  
復滇錄

文海出版社有限公司

近代中國史料叢刊三編  
第八十輯

安福禍國記

(民國九年)

南海胤子編

文藻出版社  
有限公司  
印行

中華民國八十五年一月出版

近代中國史料叢刊三編第八

十輯

精裝：十冊  
定價：新台幣

元

主編者：文海出版社有限公司

發行人：李

振

華

台北縣永和中興街133巷8號

出版者：文海出版社有限公司

郵政劃撥戶第〇〇〇二七八四—三號

電話：九二一—二六五九號

印刷者：高威印刷企業有限公司

台北市西園路二段320巷55弄28號

經銷者：臺灣全省各大書局

行政院新聞局出版事業登記證局版台業字第〇四四九號

安福一小小俱樂部耳何以能禍國蓋有釀成其禍者也製造安福者軍閥也奔走軍閥者安福也無軍閥卽無安福有之亦不能爲禍有軍閥卽必至有安福無此安福亦有他安福供安福金錢者軍閥也增安福勢力者軍閥也發生種種陰謀者軍閥也湧起層層政潮者軍閥也軍閥盛而文治衰文治興而軍閥敗安福爲政黨耶安福卽文治派也安福非政黨耶安福卽軍閥派也文治之禍國在陰謀軍閥之禍國在武力安福兼而有之忽以軍閥傾文治忽以文治煽軍閥國有是黨黨有是人其受禍也宜矣今倒安福者軍閥也趙孟之所貴趙孟能賤之安福又何怨焉而倒軍閥之安福者文治派也仗義半多屠狗輩負心都是讀書人安福目不瞑矣以禍國言安福之罪當誅然而可以誅安福者國民也若以釀成禍國之人誅安福之禍國猶以罪人誅罪人禍國者將一禍再禍而禍伊於胡底耶合衆軍閥而造成一安福一文治派足以倒安福

安福之易倒也謂之軍閥倒軍閥也可謂之文治派倒軍閥也可謂之文治派倒文治派亦無不可文治派果能倒軍閥則轉禍爲福若軍閥倒軍閥禍猶未已也若文治倒文治其禍更大矣我國民思之禍我者如此禍我者何人安福其不再生耶軍閥其從此永廢耶禍兮福所倚福兮禍所伏禍福無不自己求之者編安福禍國記者其有深意乎

民國九年庚申七月七夕拈花微笑尊者序於宣南魔窟

# 序

吾讀安福禍國記。不禁深有所感想也。縱觀世界各國之黨會如林。皆以集一黨之精神。爲國家策安全。爲社會謀福利。爲其黨綱。爲其宗旨。對內以促政治之進化。對外以謀國際之和平。如甲黨發生不良之政策。而乙黨必結合全黨之力。從事猛烈之攻擊。其勝負之結果。必以大多數之民意爲歸宿。絕不敢恃武力。以違反民意也。故不愧稱政黨。吾國共和誕生。爲期不過九年。其間如國民進步、民主、共和、統一、籌安、討論、研究、已未、庚申、等各黨。前仆後繼。此伏彼起。不可不謂不盛矣。當其號召之始。莫不以民意爲標幟。一旦勢成。握有政權。軍閥官僚互相利用。所謂爲國家策安全。爲社會造福利。促政治之進化。謀國際之和平者。皆置諸度外。惟知搜括民財。爲其黨人之揮霍。一意孤行。祇知有黨不知有國。無怪國民嫉視。有隱痛於黨人也。若夫安福俱樂部者。初不過一遊嬉賭博之蟻集場合。始能逐臭附膻。號召不良份子。施出種種陰謀。演成禍國

殃民之事。尚以政黨自居。不亦爲政黨羞乎。吾以爲民智不開。無力禁奸。卽真有爲國爲民之政黨。恐亦不免中途變像。爲人所疑。况安福部之雞鳴狗盜者乎。用以質之吾友南海胤子。不識以爲然否。

中華民國九年九月一日鄧山一郎

# 自序

昔爲座上客今爲階下囚嗚呼安福之禍首也以罪惡言誠爲國禍矣寸磔蚩尤千剗王莽亦無人惜之若尊之爲首似覺國人眼孔太小夫首者一團體中共推爲尊者也有首則黨之勢成有首則黨之力大首善則黨善首惡則黨惡安福部果推何人爲尊而擁戴之乎王揖唐曾毓雋有此資格而無其權徐樹錚有其權而無其位然則爲段祺瑞乎安福部利用段氏而非擁戴段氏邊防處以贊參授徐樹錚怫然不屑就只此一端已可概見平心論之安福部禍國之罪必安福部推尊擁戴之人而又甘心受其推尊擁戴者似可稱爲禍之首何也安福部苟無推尊擁戴之人雖爲禍亦不大其人苟非甘心受其推尊擁戴何肯聽其爲禍而不問既甘心受其推戴卽甘心爲安福部之首領安福部得此首領有所恃而不恐首領對於安福部當然負完全責任情理如此無所謂挾制國人公認安福部禍國迭爲懲辦禍首之要求今禍首已明令通緝矣

何以有此禍何以謂之首具此鑒別之真知乃可以讀吾安福禍國記民國九年庚申孟秋吉旦南海胤子識

# 凡例

近年吾國政局變幻不測光怪陸離爲吾國禍者何止一安福部本編專記安福部之事凡與安福部無關者概屏不錄

本編所載有報紙已登錄者有得諸見聞者融合貫澈不厭求詳一概採入

黑幕重重局中人常有不能盡知各方面之真相况局外觀察耶一人之見聞有限陰謀之百出不窮本編記載仍以事實爲主不敢過於炫奇爲附會之談亦不因其失敗爲苛刻之論

安福罪案具在自有公論凡醜詆漫罵之詞一概不取


安福重要人物凡有事實可記者皆仿史記列傳之例人各一傳根據事實以爲褒貶務求公平不計其在緝拿中否也蓋犯法者不無可以哀矜之情漏網者亦應有誅心之論

專制時代有爲尊親諱者共和時代有爲強權諱者言論自由若是其難哉本編記載於萬不得已時亦只有寄託於文字之外蓋事非寓言不能用詭名詭實之例人多明眼何妨在傳疑傳信之間

本編原名安福部始末記一名禍國記者從衆情也安福眞能禍國乎國之禍耳

本編記載除電報公文照原件登錄外其餘皆搜羅各方面資料參以己見融會運化成一家言蓋因事多緒繁用夾叙夾議之法方免拉雜散漫之弊篇幅雖短涵義無窮閱者注意

安 福 俱 樂 部 全 盛 時 期 之 人 物 攝 影



# 安福部禍國記上下編目次

- (一) 安福部之緣起
- (二) 安福部之擴張
- (三) 安福部全盛時期
- (四) 安福部與國會
- (五) 安福部與內閣
- (六) 安福部與國債
- (七) 安福部與外交
- (八) 安福部與財政
- (九) 安福部與軍閥
- (十) 安福部與和議
- (十一) 安福部之勢力
- (十二) 安福部之陰謀

(十三) 安福部之人物

(十四) 安福之失敗

(十五) 安福部之批評

(一) 湯顯與軍閥

(二) 湯顯與軍閥

(三) 湯顯與軍閥

(四) 湯顯與軍閥

(五) 湯顯與軍閥

(六) 湯顯與軍閥

(七) 湯顯與軍閥

(八) 湯顯與軍閥

(九) 湯顯與軍閥

安福部湯顯記上下編目次

# 安福禍國記上編

## 安福部之緣起

民國九年八月三日奉

大總統令

政黨爲共和國家之通例約法許集會結社之自由安福俱樂部具有政黨性質自爲法律所不禁年餘以來迭據各省地方團體函電紛陳歷舉該部營私誤國請予解散政府以爲黨見各有不同自可毋庸深究乃此次徐樹錚曾毓嵩等稱兵搆亂所有參預密謀籌濟餉項皆爲該部主要黨員觀其輕弄國兵喋血畿甸肆行無忌但徇一黨之私雖荼毒生靈貽禍國家亦若在所不恤是該部實爲搆亂機關已屬逾越範圍斷不能容其仍行存在著京師衛戍總司令步軍統領京師警察廳即將該部機關實行解散除已有令拏辦諸人外其餘黨員苟非確有附亂證據者概予免究其各省區如設有該部支部者並著各該省區地方長官轉飭一律解散此令

命令一頒舉國人心大快而吾反生一種感想何也集會結社共和國民有自由權誠如明

令所言安福俱樂部猶是集會結社耳卽云具有政黨性質亦不過自由結合之一團體既非法定機關有何能力與政府抵抗若政府認爲不應有此一團體存在則二三警察之力卽可解散之而有餘何至上煩元首特下明令吾不料安福俱樂部臨死之末日猶煊赫如此無怪其強盛時勢燄滔天也未免爲羣惡增聲價矣究竟安福俱樂部有何魔力構成種種罪惡我國人知之否

自古神奸巨蠹當其惡蹟昭著罪已貫盈時無人不欲食其肉寢其皮燃腹爲燈飲頭爲器然當其作惡之初犯罪之始必有所憑藉利用時機由漸而至又必有最複雜之遠因近因湊合成之乃能償其大慾所謂福生有基禍生有胎國人第知安福俱樂部當誅亦思製造成安福俱樂部之罪惡者何在乎大禍臨頭追咎禍首吁已晚矣

民國成立國民黨勢力最大黨部徧全國議員佔多數當時與之角立者有共和黨民主黨統一黨之三黨者合則足與國民黨敵袁世凱知其然也乘梁啟超加入共和黨之時以金錢爲餌合併三黨改爲進步黨以抵抗國民黨此爲吾國黨爭之始迨袁世凱用梁啟超之謀解散國民黨兔死狗烹烏盡弓藏進步黨亦同歸於盡其間破壞約法凌巖國會強奸民

意恢復帝制造成軍閥皆於此時發現袁氏暴亡梁啟超等又以拋棄約法停廢國會施行軍政十年之策手段祺瑞遂釀成張勳復辟之變張勳既敗共和復活西南各省擁護約法要求恢復國會谷鍾秀等主張以舊法改召新國會爲調停辦法馮國璋頗贊成其說段祺瑞亦未嘗反對惟梁啟超等極力不以爲然謂中華民國既經一度之復辟推倒卽成已死蛻化過去之中華民國現在復生之中華民國乃由段祺瑞手造之另一中華民國非復從前之中華民國是舊國會斷無恢復之理況舊國會不良由於國會組織法不善倘不先組織一種過渡機關將國會組織法修改仍用舊法選舉新國會未有不蹈舊國會覆轍者馮段躉之梁啟超乃謬引約法主張召集臨時參議院通電各省督軍徵求意見除西南各省外皆覆電贊成議定每省五人密令各省長官指派而臨時參議院竟告成立於是有所謂安福俱樂部者乃於此時萌芽於政治舞台矣

袁世凱利用進步黨以排國民黨及國民黨解散進步黨亦如秋扇之捐金錢資助一概停止絕不一顧籌安會成立進步黨無形消滅矣梁啟超雖爲棄婦不甘岑寂收合進步黨餘燼成一研究系其主張廢棄舊國會選舉臨時參議院修改國會組織法者皆研究系壟斷